



c. 14





Aduertissement

A LA NOBLESSE

DE FRANCE, TANT

du party du Roy, que

des rebelles, & con-

spirateurs contre

luy & son

Estat.

par Jean du Tillet



A PARIS,

Chez Jean Poupy, rue Saint Iaqués,
à l'enseigne S. Martin.

M. D. LXXIIII.

Avec Priuilege du Roy.

ADVERTISSEMENT

f'est peu faire autremét que les racines, enuies,
 simulez, & diuisions, ny ayent pris tout aussi
 tost leur racine & fondement. De maniere que
 noz Rebelles, qui cōplottoient dès lors de faire
 & susciter le trouble que nous voyons, y estant
 la matiere desia bien preparée: ont estimé d'ail-
 leurs que la ieunesse du Roy leur presentoit
 vne belle occasion de desployer & mettre en
 euidence, tout ce qu'ils auoient cōceu de mau-
 uaise volonté contre luy & sa couronne quel-
 ques annees auparauant. Il semble aussi que
 Dieu se sentant extrememét irrité & prouqué
 contre nous pour les infinis abus & maluersa-
 tions qui se cōmettoient, tant au ministere de
l'Eglise, qu'en l'administration de la iustice, ayt
 bien voulu lascher la bride pour vn temps à la
 fureur des ennemis, pour avec les verges & per-
 secutiōs nous retirer du profond sommeil d'in-
gratitude & oubliāce, ou nous estions aucune-
 mēt enseueliz par vn trop grand ayse & repos.

Tant y a que ceux qui par la lecture de l'anti-
 quité, ou biē par l'entremise & experience des
 affaires, peuuent faire plus certain discours &
 iugement de la subsistēce ou alteration des Mo-
 narchies, ne s'esmerueilleront iamais que soyōs
 tombez au precipice d'vn malheur si perilleux,
 auquel bons & mauuais auons cooperé, les vns
 par vne nonchallance d'y pourueoir & obuier,
 les autres par vne incroyable astuce & dexterité
 de l'accueillir & aduācer. Mais trop biē pour-
 ront-ils s'esmerueiller qu'aucūs de la Noblesse,

A LA NOBLESSE.

voire de ceux qui estoient des plus obligez à la conseruation de ce Royaume, se soient badez & liguez pour sa ruine, & pour faire & entreprendre choses, desquelles (quand bien le desseing réussiroit) ce seroit tousiours au preiudice de leur honneur, & à l'aneantissement du nom & tiltre qu'ils doiuent cōseruer autant ou plus cherement que leur vie propre. Ce n'est nouveauté que les estats qui ont quelque disparité ensemble, & sont differens en meurs & façons de viure, entrent quelquefois en competence les vns avec les autres, selon que nous lisons à Rome souuent le peuple s'estre mutiné contre les Nobles, qu'ils appelloient Patriciens, ores pour la ialousie qu'ils auoient de leur grâdeur, & maintenât pour defédre leurs anciens droicts, franchises, & libertez. Et d'autant qu'un chacun des membres du corps politique, doit rendre à l'entretienement de ce qui luy est propre, en fuyant & reiectât tout ce qui luy peult engendrer quelque diminution ou mutation de naturel, l'on trouueroit bien estrâge, qu'un bon nombre de gentils-hômes se soit distraiât de l'obeissance du Roy, pour s'embarquer en vne faction non moins ennemie, & enuieuse de la preeminence & affranchissement, dont ils iouissent par l'octroy & benefice des Roys, que la gloire de Dieu, & du salut de leurs cōsciences: n'estoit que les histoires nous apprennent que ce sont certains auenglemens & esblouissémens d'esprit, ou bien cōme vne humeur acre & bi-

A D V E R T I S S E M E N T

lieuse, q leur fait perdre le goust & s'etimēt des choses bonnes, & addōner leur appetit à celles qui leur sont du tout contraires & interdīctes. Et cela nous fait aussi esperer, que s'ils se peuuent vne fois desuelopper de ces nuees & ombra- ges, & par la purgation de leurs coleres recou- urer leur premiere santē, que ores d'eux-mes- mes ils viendront à recognoistre & accuser le tort qu'ils faisoient à leurs maisons, de se separ- tir si legerement du deuoir & seruice qu'ils ont promis & iurē de rendre à leur Prince.

Or afin de nous acheminer à vn entier esclar- cissēmēt, & induire les forlignans & desuoiez à reprēdre leurs vieilles arres: & les autres de cō- tinuer & perseuerer en la fidelitē qu'ils ont gar- dee iusques à ce iourd'huy, ie les suppliray vou- loir cōsiderer combien ce leurs est d'heur d'e- stre nez plustost Frāçois que Barbares: plustost Chrestīes que Mahometains: plustost riches & affrāchis que vilains & tributaires. Et puis que c'est vn si precieux tiltre, que celuy que Iesus Christ nous a cōmuniqūē: que c'est vn si doux air, que celuy que nous halainons en ce climat: & que c'est vn si grand priuilege, que soyons distincts & separez de la seruitude & subiectiō populaire, de cōbien sommes nous obligez & redeuables à Dieu, au Roy & à la France dont nous tenons tant de beaux & excellens droicts & prerogatiues: & de cōbien nous seroit repro- chable & ignominieuse l'ingratitude, si pour nous acquister d'vne si estroicte & particuliere

A LA NOBLESSE.

obligation, nous n'exposions les biens & la vie pour la cause de nostre Dieu, pour le seruice de nostre Prince, & pour la manutétion du repos de nostre patrie? Premièrement s'il est ainsi, comme il est que la Noblesse ait d'autant plus d'occasion que nul autre du peuple, de remercier & reuerer ce Dieu, tout bon & tout puissant, qu'elle en reçoit plus de graces & de faueurs, il est bien raisonnable qu'elle s'emploie à maintenir l'honneur qui luy est deu, ne permettant qu'il soit souyllé ny cōtrouersé par les faulses & nouuelles erreurs, qu'un tas de cerueaux alterez & fantastiques, s'efforcent introduire & semer parmy nous, pour deceuoir & peruertir l'integrité des consciences. Et puis que nous sommes en different sur le faict de la religion, le moyen que nous pouuons garder en cela, & le plus seur & expediēt, est de ne prendre cognoissance des choses qui ne sont de nostre gibier, ny nous fier à noz sens, ains les captiuās, nous reigler & rapporter à la generalité, & à la foy & creance de noz majeurs, laquelle est encores de present par la grace de Dieu, inuiolablemēt obseruee par le Roy, & du pl^r grād nombre de ses subiects. Qu'il nous souuienne du siecle de noz Peres, quand ils se contentoient de leur simplicité, ne recherchant point plus auant les mysteres, qu'il leur faisoit be-
soin pour leur salut, pensons qu'ils gouuernoiet avec autant de prudēce, (pour le moins) leurs familles que nous: qu'ils estoient autant droituriers & charitables à leurs prochains: &

ADVERTISSEMENT

que ou le service du Roy se presentoit, sans beaucoup discourir ny marchâder, ils y couroient incôtinent la teste baissée, & en retournoient le plus cômunement avec vne glorieuse victoire des ennemis. Rememorons quantes & quâtes-fois ils se sont croilez pour la defense de nostre religion: combien de voyages d'oultre mer ils ont entrepris souz la conduite de noz Roys, pour conquerir & deliurer la Terre Saincte, & pour extirper la racine des heresies.

D'auantage, où il a esté question de combattre pour le pays & pour l'extension des limites, ou pour empêcher que le moindre de noz villages ne fust couru, & fourragé par les estrangers: ils n'ont iamais fait refus d'y hazarder & prodiguer & leurs personnes, & la substance de leurs maisons. Et à la verité, c'est bien de tout temps que lon a faict tel estat de l'amour & charité que nous devons à la patrie, que mesmes les Anciens reputoient à grand heur, de pouuoir avec le pris de leurs vies, luy conserver sa dignité, & recouurer la paix & le repos que les forces ennemies luy rauissoiét. Dequoy ie representerois quelques exemples, si la vertu de noz François n'estoit en cela autant ou plus loüable, que celle des Grecs & Romains: & si de nostre aage, & pëdant les guerres des feuz Rois tant deça que delà les Monts, ils n'auoient fait preuue de l'entiere deuotion qu'ils portent à l'accroissement & prosperité de ceste couronne. Il est vray que depuis (ne sçay-ie par quel malheur)

A LA NOBLESSE.

malheur) nous nous sommes tant esloignez de la perfectiō de noz deuanciers, & si auant oubliez à tout le moins quelques vns, en l'obseruance en nostre mere cōmune, qui est le pays, que si la posterité' veult iuger de noz actions & volonte' par les belles marques que nous en laissons, elle n'estimera iamais que tant de ruynes, degats, & demolitions, soient cœures de mains Françoises, mais plustost de quelque flotte & inondation Gotti'que & Vandalique. Noz Ancestres pour tesmoignage de leur pieté, & pour l'ornemēt & decoration de leur patrie batissoient des temples à Dieu, des Palais à leurs enfans, des tombeaux & sepulchres à leurs cendres: Et nous d'vne certaine rage & furie barbaresque, auons en moins de deux hyuers condamné, brulé, & mis en poudre, ce qui auoit esté par eux fondé & erigé durant mille & douze cens ans. Il n'est besoing d'exaggerer ny declarer plus auant la cruauté de nostre siecle, dōt il seroit à souhaitter que dès maintenant la memoire en fust estaincte, afin que noz voisins & ceux qui viendront cy apres, ne nous reuoquēt en dispute, la fidelité & courtoysie q̄ nous pretendons estre comme hereditaire: & peculiere à nostre nation.

Finale'ment comme ce Royaume soit le premier de la Chrestienté, aussi les subiects d'iceluy sont censez, & reputez les plus amoureux & affectionnez à leur Prince, & singulierement les Seigneurs & Gentils-hommes, lesquels en

ADVERTISSEMENT

reconnoissance des franchises , auctoritez & traictemens qu'ils en reçoient, ont fait profession de toute ancienneté de se monstrier obseu-
 teurs de sa volenté & bõ plaisir. C'est ce que di-
 sent les Estrangers, que noz Roys ont autant de
 pouuoir & commandement sur leur Noblesse,
 qu'ils en veulent prendre & vser, & qu'elle leur
 est tellement seruiable & obsequieuse, qu'ils la
 font partir de leurs maisons toutes & quâtesfois
 que bon leur semble. Mais aussi leur pouuons
 nous respõdre, qu'outre le deuoir auquel tous
 vassaux sont obligez par la nature & qualité de
 leurs fiefs, de faire seruice à leur souuerain sei-
 gneur, noz Roys nous en donnent tant d'occa-
 sions, que nous ne pourrions faire autremēt, ny
 tant soit peu nous y rendre desobeyssans & re-
 fractaires, sans cõtreuenir & deroger & à nostre
 serment & à l'honneur que deuõs cherir & em-
 brasser plus que toutes les choses de ce monde.

Ce n'est sans charge que les Gentils-hommes
 ont esté par l'ordonnâce & autorité des Roys,
 choisis & segregez du peuple, pour viure en
 franchise & immunité de toutes cõditions ser-
 uiles, auoir droit de chasse, superiorité & pree-
 minence sur des subiects, la iurisdiction sur
 eux, l'exaction des cens & rentes, les coruees
 & autres impositions: ce n'est pareillement sans
 charge qu'ils ont cest octroy & permission de
 porter vne espee à leurs costez. Et c'est afin
 qu'ils entendent que les Roys ont fait election
 de leurs personnes, comme de ceux qu'ils esti-

A LA NOBLESSE.

moient plus genereux, ne les voulans pour ce respect asseruir ny assubiection aux arts questuaires & mecaniques, & à ce qu'eux s'appliquans entierement à l'exercice & vaquation des armes, ils en puissent faire leur bouclier & rampart en occurrence d'affaires, & aduenant vne guerre, pour resister contre les efforts & inuasions des ennemis. De maniere que la Noblesse estant la facture & creature des souuerains, tenant d'eux ses libertez & priuileges, c'est bien la raison qu'elle rapporte tous ses exploicts à l'aduantage, prouffit, & entretenemēt du chef, dont elle prent son essence & nourriture. Et où quelqu'un seroit deserteur de son office par ledict, forfaiture & felonnie, és cas qui sont specifies & exprimez par les ordonnances & constitutiōs feodales, ou biē qu'il n'eust seruy & secouru son Prince enuers tous & contre tous, ou biē eust adherē à ses haineux & malueillans, cōplottē & machiné avec eux, fauorisē leurs attē tats, les accompagné & alsisté de forces & de conseil, par la defaillant & manquant de la fidelité qu'il a iuree, il pert & commet son fief, il le confisque à son Seigneur. Or encores que ce moyē soit ordinaire, & puisse beaucoup enuers aucuns, lesquels seroient par aduenture en opinion & sur le poinct de s'esgarer, si est-ce que ie n'estimeray iamais ceux-là bien nez, & aussi peu dignes du tiltre qu'ils portent, qui se garderont plus de forligner pour les peines des loix, que de difficulté qu'ils facent d'accueillir vne

A D V E R T I S S E M E N T

laide tache à leur honneur.

Et pour reuenir à la generalité, ie veux dire, si les fiefs obligent la Noblesse à tout deuoir, affection, & loyauté enuers noz Roys, que d'auantage les grands biensfaicts nous y lient & astraignent de telle sorte, qu'il n'y a occasiō quelque bien fondee que là pensions estre, qui nous en puisse ou doiue distraire & separer. Et là dessus quād l'on considere que toute la gresse & opulence de ce Royaume, toutes les grandeurs & commoditez, retournent aux Gentilshommes: que toutes les fināces du Roy sont employees à l'entretienement & payemēt des grands estats, & pensions des officiers de la courōne, des Mareschaulx, Gouverneurs, Capitaines, Lieutenans, Gensd'armes, que les benefices de valeur sont donnez à leurs parens: brief quand il seroit besoing discourir & deduyre particulièrement les moyens du Prince & de son peuple, que les fruicts & reuenuz de l'vn & de l'autre leur sont distribuez & departis. Il semble que d'autant qu'ils ont vne telle obligation à la defense & ruition de tous les deux, que venans à s'oublier, l'on ne pourroit assez detester leur infidelité & ingratitude.

Mais aussi est il certain comme il se peut veoir & verifier, par le cours de noz Annales, que la Noblesse ayant de tout temps recogneu son bien, & aduācement de la liberalité de noz Roys, & que leur conseruation estoit si conioincte, que le chef ne pouuoit souffrir ny en-

A LA NOBLESSE.

durer que les membres ny compatissent, s'est gouvernee & conduite en leur service avec vne si parfaite deuotion & volonte, que iusques à noz iours elle sert de miroir & d'exemple aux autres nations de la Chrestienté. Et pource que leur vertu n'est seulement chantee par les doctes escriuains, mais quant & quant confessee par les plus simples du vulgaire, il ne sera necessaire de s'y estendre, ne pouuât neantmoins taire le secours qu'elle feit au Roy Iean, & au cōmencement de sa guerre contre les Anglois, pour à laquelle fournir, elle se tailla & cotiza de son plain gré à deux liures pour cent de l'estimation de toutes ses facultez, & depuis, apres que ledict seigneur Roy demeura prisonnier entre les mains de ses ennemis, que lesdicts de la Noblesse se liguèrent & assemblerent pour le deliurer, & y contraindre, si mestier estoit, lesdicts Anglois avec les forces des armes. Nous lisons semblablement que s'estans esleues de grandes troupes de voleurs & assassins, qui se furnommoient les compaignons, prenoiet villes, rançonnoient, pilloiet, brusloient, sous pretexte de vouloir chasser & ruyner le Pape Innocent seiziesme, qui pour lors tenoit son siege en Auignō, pour repurger le Royaume de ceste vermine, Messieurs Iaques & Pierre de Bourbon, se meirent en armes, & leur liurerent la bataille, accompagnez & asistez du plus grand nombre de ceux de la Noblesse. Nous lisons en l'histoire des Albigeois, que pullulant leur ér-

A D V E R T I S S E M E N T

reur & se couurant de mesmes voiles que font
noz coniuerez, la Noblesse se croisa souz l'enfei-
gne d'un Comte de Montfort, & leur feist &
continua la guerre iusques à ce qu'ils furēt tous
deffaiçts & exterminiez.

Or qui voudroit rapporter de tēps en temps,
les grands faictz d'armes que la Noblesse a ex-
ploictēz pour la querelle de ses Roys, on en fe-
roit vne lōgue histoire, & m'est aduis qu'il n'est
besoing de recueillir si curieusement les exēples
de noz deuanciers, ayans de nostre temps, &
mesmes depuis l'aduenement de nostre Roy
à la couronne, les Gentils-hommes fait telle
preuue de leur fidelité & affectiō, qu'ils ont en
cela surpassé la vertu & la gloire de leurs pre-
decesseurs. Car comme depuis enuiron sept ans,
ce Royaume ayt esté continuellement trauail-
lé de troubles & esmotions, & qu'il ayt esté be-
soing que sa Majesté pour la seureté de sa per-
sonne & cōseruatiō de son estat, se soit tenu or-
dinairement armé, pour se garder de surprinse
des ennemis, ses bons & obeyssans vassaux &
subiects (qui sont graces à Dieu, dix & vingt
pour vn des autres) ne se sont iamais lassez ny
de la despence qu'il leur a conuenu faire, ny des
voyages où ils ont esté mandez & menez par
tous les coings & endroictz de la Frāce. Qui pl^e
est, aux derniers troubles, assauoir apres ceste
belle iournee de S. Michel, ayans esté conuo-
quez pour venir à Paris, où le Roy estoit trefe-
stroictement enuironé & assiegé par les rebelles;

A LA NOBLESSE.

ores que les passages fussent fermez, si n'y eust-il celuy des Gentils-hômes du party de sa Majesté, qui ne se meist en deuoir d'arriuer la part qu'il estoit appellé. Tel pour sa vieillesse s'estoit quassé & licencié des armes, qui chargea le corcelet sur le dos. Tel auoit esté reduict en sa maison pour faire espargne, & acquicter ses debtes, lequel engagea de rechef la ferme & le moulin pour achepter des cheuaux: & ny eust celuy, lequel des dernieres frontieres & extremitez de la France n'accourut à la deliurâce du Roy au meilleur ordre & equipage qu'il luy fut possible. Et maintenant que nous sommes rentrez pour la troisieme fois en c'este fiebure, ie ne doute point que les mesmes ayans esté requis & sommes par sa Majesté du secours & seruice qu'ils luy doiuent, & puis qu'avec son interest & du public, il y va du particulier d'un chascun de ses subiets de quelques qualitez qu'ils soiét, ne redoublent le desir & enuie qu'ils ont d'asseurer pour iamais par vne triomphante victoire, l'estat & le repos de ce Royaume.

Car il est indubitable, que la fin de ceste guerre, tire quant & soy avec le chastiment des rebelles, l'establissement de la Monarchie: ou bien avec la perte des forces du Roy, l'vsurpation de sa couronne. Et estant necessaires de tomber à l'un de ces deux points, qui pourroit estre celui si peu François, si peu affectionné au bien & grandeur de son Prince, si peu soigneux de la tranquillité de son pays, qui ne choisisse plustost

ADVERTISSEMENT

vne mort honorable recompensee d'un nom
 immortel, que de souffrir & permettre que de
 son temps vn petit amas de coniuerez, n'ayant
 pour tout rempart que la retraicte d'une ville,
 se vante suppéditer & confondre tant d'armées
 & tant de peuples qui sont auourd'huy vnis
 ensemble pour la conseruation de toute la Frâ-
 ce, tât en son chef qu'en ses parties? Pendant les
 guerres que les Roys ont eues avec l'estranger,
 ores qu'il ne fut questiō que d'affaillir vn Thiō-
 uille, ou bien de gaigner vn logis, il n'y a celuy
 qui feist difficulté de se presenter à la bresche,
 & qui ne feist vne muraille de son estomac
 pour arrester le cours des entreprises de l'Espa-
 gnol. Et maintenāt que nous ne cōbattons plus
 pour des gabiōs, ny pour des pierres, ains pour
 toute vne France, en laquelle noz maisons, noz
 femmes, noz enfans, noz vies, sont encloses &
 comprinses, & que l'une ne peut perir qu'avec
 la ruyne de tous nous autres, & principalement
 de la gloire de Dieu, laquelle si nous sommes
 vrays Chrestiens, nous deuons preferer à tou-
 tes choses, ferons nous si lasches & defaillis de
 cœur, d'espargner nostre sang duquel nous a-
 uons esté si prodigues ailleurs, & sommes ordi-
 nairement en noz querelles particulieres, veu-
 mesmes que nous ne pouuons esperer plus gra-
 cieuse composition de noz coniuerez, qu'une
 perpetuelle captiuité, & asseruage de noz biens,
 de noz vies, & de noz consciences? Pensons ce
 qui est trescertain, & dont l'experience nous
fait

A LA NOBLESSE.

fait desia par trop sages, q̃ le Roy ne peut estre desobey de ses subiects, que nous ne le soyons des nostres : qu'il ne peult patir changement en son estat, que ce peu que nous auõs, ne soit bien esbranlé, & que c'est follie de croire, que ceux qui sont en mesme nauire, se puissent sauuer & exempter d'un commun naufrage. Pensons que si le pilote qui tient le gouuernail, par faute d'estre soustenu des rames est contrainct de ceder à l'impetuosité des vens, que necessairement les marchans & mariniers courront la mesme fortune.

Et pour nous faire voir ce qui en aduiendroit, si nous estions reduicts en telle extremité, ie représenteray seulement vn synode qui fut fait à Chalon sur la Saone aux premiers troubles, auquel il fut conclud & arresté par vn grand nombre de Ministres, que leur religion ne se pouuoit biẽ fonder ny establir sans preallablement exterminer trois vermines du monde, qu'ils disoient estre l'Eglise des Papistes, les Parlemens, & la Noblesse; & de faict, suyuant les instructions & ordonnances desdicts Ministres, lors furent bruslees quelques maisons des gentils-hômes par leurs païsans propres, selon qu'il a esté verifié & rapporté par informations à la Cour de Parlement de Dijon, & remonstré depuis par les Estats de Bourgogne à leurs Majestez. Nous voyons comme l'autorité du Prince est recogneuë à Geneue; comme la monnoye est forgee à son coin, & comme la

A D V E R T I S S E M E N T

Noblesse y est receue & respectee: & pour parler de ce qui no^r touche de plus pres, no^r voyōs comme les Gentils-hōmes son traictez és lieux où les ennemis sont les plus forts. Au commencement ils publioient ne faire la guerre que aux Prestres & à la Messe, & aujourd huy ils l'estendent aux Gentils-hommes, voire à leurs plus proches parens & voisins, sans aucun respect, à leurs cheuaux, à leurs bourses, à leur vaisselle, à leurs caues & greniers, & aux bagues & ioyaux de leurs femmes. Tout leur est de guerre, comme l'on dit: & ne font plus de difference ny distinction des prestres aux autres, des temples aux chasteaux, ny mesmes des purs Catholiques à ceux qui ont vescu doucement, & ne leur ont esté en rien contraires.

Et faut confesser que ce sont iugemens de Dieu, lequel cognoissant que ses seruiteurs se laschent quelquefois, & se laissent tromper par les ruses & cauteles de ses ennemis, ne se soucians de leur faire empeschemens ny resistance, pourueu qu'ils ne soient endommagez ny greuez en leur particulier, permet à la fin que la tempeste tombe sur eux, si rudement qu'ils ne scauent où se vouier ny recourir, sinon à la misericorde de celuy, dont ils ont negligez les iniures, pource qu'elles n'estoient priuees. C'est tout ainsi que si le feu s'allumant en vne maison, ceux qui en seroiēt vn peu esloignez, ne tenoient compte de l'esteindre, estimans qu'il ne

A LA NOBLESSE.

pourroit gagner iusques à eux. Or croyons qu'un estat ny plus ny moins que le corps humain, est fait & composé de membres si conioincts & colliguez & en substance, & en tous symptomes & accidens, que ainsi que disoit ce Romain Menenius Agrippa, ils ne peuuent aucunement subsister que par vn mutuel entretènement, connexité, & coherence des vns avec les autres. Mettons le cas que Dieu pour nous punir & chastier permette l'abolition des Eglises de ce Royaume, selon qu'il a fait de celles de Iudee, de l'Asie, & de l'Afrique, & supposons que l'autorité des Ecclesiastiques soit anichilee & supplantée par l'introduction des consistoires, sur quoy fonderons nous la fermeté & solidité de nostre noblesse: Si nous alleguons les ordonnances & constitutions des Roys & Empereurs, desquels nous tenons les fiefs & les droicts qui en dependent, incontinent les Ministres nous obiecteront que ce sont inuentions humaines, & que par la loy de grace, & selon la pureté de l'Euangile, toutes personnes sont nees franches: qu'il ne fault rien allouer ny approuuer que ce qui est contenu expressement és escritures, esquelles lon ne liët point ce nom de gentils hommes. Si nous nous voulôs preualoir de la force, ils nous susciterôt tant de petits Huguenoteaux en noz villages, qu'ils nous sera bien difficile avec vn ou deux valets de rabattre les coups de cinq ou six ces fourcheferes.

A D V E R T I S S E M E N T

C'est pourquoy ie ne me puis assez esmerveiller de l'aveuglement de quelques vns de nostre Noblesse, lesquels portans le manton aux ministres, ne voyent pas que l'establissement du Calvinisme, est l'aneantissement de leur grandeur, & que mesmes par les Maximes de ceste secte, toutes les autoritez qui prouiennent des hommes estans condamnées & abbatuës ; consequemment ils sont reduicts au petit pied. Qu'ils considerent si desia les ministres, qui ne font que naistre & sortir, ou de quelque boutique de cordonnier, ou de se defroquer de quelque cloistre, s'attribuent en leurs consistoires la cognoissance des affaires, de la guerre, de l'estat, de la iustice, de la police, & iusques à vouloir entendre les griefs & doleâces des femmes contre leurs maris : si desia par les Canons & censures de leurs Synodes, ils accoustument de reigler & reformer à leur mode la despence des habillemens, la contenance des supposts de leurs Eglises, lors qu'ils auront acquis & empieté vn peu plus d'autorité, de quelle arrogance & tyrannie ils entreprendront de les manier à la baguette ? Ce ne sont pas des Messires Iean, qui se cōtentent de cinquâte francs par an, pour desseruir la parroisse d'vn village, ou la chapelle du seigneur du lieu. Ceux-cy sont des magnifiques Messieurs de la Roche ou de la Coline, lesquels pour leur qualité & suffisance s'estiment meriter beaucoup meilleur appointement : & aussi que pour entretenir Madamoiselle

A LA NOBLESSE.

Colinette & sa suite, on ne leur peult donner moins de cinq ou six cens liures, avec les prouffits des Cenes & des Baptesmes. L'en ay veu n'augueres quelqu'un de mes voisins assez empesché, & d'autant plus qu'il n'osoit s'en plaindre, de peur d'irriter les Dieux du Consistoire.

Or ayant pratiqué & conuersé avec des plus habilles & rusez de toute la faction, & descouuert beaucoup de leurs secrets & artifices, pour le regret que j'ay de veoir perir à credit vn bon nombre de Gentilz-hommes, parmy lesquels i'en ay de ceux qui m'appartiennent, qui y sont meslez, dont il me desplaist bien fort: & pour le desir & volôté que j'aurois de les cōuier & rappeler à leur premiere obeyffance, ie ne feray difficulté leur remonstrier & remettre deuant les yeux le serment de l'ineustiture de leurs fiefs, le deuoir & obligation qu'ils ont au Roy, & la fidelité qu'ils luy ont promise. Et d'auantage cōbien leurs predecesseurs faisoient d'estat de conseruer le poinct d'honneur, & de viure & mourir pour le Prince & le pays. Ils m'allegueront que depuis estans entrez en ceste nouuelle opinion, ils ont iurez à leurs ministres de ne s'en departir, ny tant soit peu poser les armes, que l'exercice n'en fut bien introduict & asseuré, de façon que leur seroit honte de renoncer à la société de leurs Eglises. Sur quoy pour leur leuer ce scrupule, ie leur demanderay s'ils ne font point plus de conscience de faulser & violer le premier serment qu'ils ont fait au Roy, des

ADVERTISSEMENT

choses qui sont de leur deuoir, que celuy qu'ils font puis apres contre les bonnes meurs, & à personnes qui n'ont ny seigneurie, ny commandement sur eux? Je sçay que quelques vns des plus opiniaftres repliqueront, qu'il fault plustost obeyr à Dieu qu'aux hommes: cōme si par là ils vouloient conclure & inferer que leurs ministres fussent plus qu'esprits humains & angeliques, & partāt que quand d'une part le Roy leur commande de viure & se contenir doucement en leurs maisons, & d'autre costé que les Ministres sonnent la trompette de sedition, qu'il fault plustost escouter le son guerrier de ces Megeres, que la voix pacifique de sa Majesté. En somme tant plus nous remuerons ceste cause, tant moins nous y trouuerons d'apparence, ne se pouuant la rebellion & felonnie des vassaulx enuers leur souuerain seigneur, si bien pallier & desguiser, qu'elle ne sente tousiours sa rebelliō: ny plus ny moins q'vne putain pour se couvrir & habiller du voile de chasteté ne laisse d'estre cogneuë & remarquee pour vne femme de son mestier.

Je ne doute point qu'ils ne fondent & appuyent leur principale raison sur la reuocation de l'edict, combien qu'estāt postérieure, elle ne se peut retrograder pour seruir d'excuse & couverture à l'infraction qu'ils en auoient faicte au parauant par la reprinse des armes, par laquelle de ce mesme faict, & comme par maniere de commise, ils se sont priuez eux-mesmes du be-

A LA NOBLESSE.

nefice dudit Edict. Et iagoit que ceste respo-
se par toute disposition de droict, soit perem-
ptoire, & que le Roy les puisse payer d'un mot,
où il ne se trouue point de repliche (Le vous ay
osté l'Edict pource que vous y auez contre-
uenue) si est-ce q pour ne couper si court le pro-
pos, & afin que par vn entier esclarcissement
nous en puissions tirer le fruit, que nous de-
sifons, qui est le bien & la conseruation de ceux
qui se declairent souz vn faux tiltre ennemis de
leur Prince, ie passeray encores oultre à exa-
miner l'equité de l'Edict, dont ils font tant de
querimonies en leurs assemblees, & specialemēt
enuers les Anglois & Allemans.

Difons donc que le Roy ayant de son au-
thorité & par leur infraction, eu droict & pou-
uoir auec l'interdiction du Caluinisme, de con-
fifquer & les corps & les biens de tous ceux qui
souz ce pretexte se sont efforcez desia par trois
& quatre fois, de luy raurir & la vie & la couron-
ne, neantmoins pour vser plus de sabonté &
douceur accoustumee, que de la rigueur de iu-
stice, s'est contenté de prohiber & defendre
seulement leurs Cenes & monopoles, qui ne
seruent à autre effect, qu'aux reueües & enrole-
mens de leurs soldats: leur ayant au reste remis
& concedé leurs biens, leurs estats, & la liberté
des consciences, pourueu que posans les armes,
ils se retirent en leurs maisons. Et là dessus (afin
qu'ils recognoissent la grace que sa Majesté leur
fait) qu'ils me nomment vn seul Prince en

A D V E R T I S S E M E N T

Allemaigne, qui souffre & tolere à ses subiects
 d'auoir & exercer autre religion que la siennè.
 Je confesse qu'il y a pluralité d'opinions és ter-
 res de l'Empire, mais aussi y a il pluralité de
 Princes, desquels vn chascun riere soy maintiët
 & fait garder estroictement sa religion, ne per-
 mettant à vn seul de ses vassaulx & seruiteurs
 d'y rien changer ou innouer. Nous ne voyons
 pas qu'en Angleterre, orès que le nombre des
 Catholiques, voire des seigneurs & gentils-hô-
 mes, surmonte des deux parts celuy des aduer-
 saires, ou que la Royne consente qu'ils facent
 aucun exercice de leur religion, ou qu'eux la
 requierent, & qu'ils ayent iamais entrepris de
 troubler & alterer l'estat de leur maistresse. No^s
 ne voyons pas qu'à Geneue, & aux lieux où les
 rebelles se sont réduz les plus forts, l'on y souf-
 fre autres personnes que Caluinistes. Et s'il est
 ainsi, que par l'ordonnance de Dieu, & selon
 qu'il est pratiqué & vsité entre les hommes, le
 subiect est tenu & obligé par son deuoir, de se
 soumettre aux loix de son souuerain, soit Mo-
 narque, Potentat, ou Republique: & si par tout
 le monde les souuerains sont en possession de
 ceste autorité enuers le subiect, quel tort fe-
 rions nous à nostre Roy, de luy restreindre le
 pouuoir commun de tous les Princes, & qui a
 esté encores plus particulier à ses predecesseurs?

Puis donc Messieurs, que vous faictes pro-
 fession de viure en sincerité de conscience,
 aduouëz la puissance de vostre Roy, laquelle

Dieu

A LA NOBLESSE.

Dieu a tant authorisée: puis que vous faictes tant d'estat de l'honneur, seruez & honorez ce-luy auquel vous estes redevables de tout respect, seruice, & obeissance: & puis que ny l'Anglois, ny l'Alleman, n'endure que ses subiects soient bigarrez & diuisez d'opinions, ne soyez plus violens & iniques à sa Majesté, & ne luy donnez point d'aduantage d'occasion d'implorer & animer contre vous la vengeance du ciel & de la terre. Et puis qu'il a oublié les choses passées, & que par effect il a tousiours faict paroistre n'auoir autre volôté que de vous reunir & conseruer, aiant à toutes heures les bras ouuerts pour embrasser & recueillir ceux qui recourront à sa clemence, oubliez & amendez voz fautes, amollissans ce cœur selon que ceste mutinerie de Ministres vous contrainct par ses piperies & faulces frayeurs, de conuertir à la ruïne de vostre Prince. Et afin de vous y disposer, oyez les griefs & plaintifs de nostre pauvre mere, qui est la France, laquelle nous representant le piteux & miserable estat où elle est reduicte, & sefforçant par pleurs & gémissemens, autant que sa foyblesse le luy permet, de nous induire & esmouuoir à compassion, me semble pouuoir vser de tels ou semblables propos.

O Roys & peuples Chrestiens, qui auez euz cognoissance de mes forces, lors que i'estois à la fleur de mô aage, & en prosperité de mes affaires, lors que le saint nom de mô Dieu estoit

ADVERTISSEMENT

chanté d'un mesme accord & harmonies par mes enfans, ses téples decorez & embellis: lors que mes villes estoient riches & opulêtes, mes champs gras & fertils, & qui avez porté enuie à ma grâdeur lors que la courtoisie, l'abondance, la vertu, la pieté, me faisoient renommer & redoubter par tout le monde, maintenât que me voyez escheuelee, ridee, flectric, desolee, & abandonnee de tout le bon-heur qui me souloit accompagner, quel iugemêt ferez vous de vostre voisine la France? Par aduventure direz vous que le luxe & l'orgueil de mon peuple & les forfaitsures & abus q'ie luy ay soufferts & conuiuez, m'ont accueilly de l'ôgue main le mal & ennuy, qui m'environne de toutes parts: & puis qu'il y a de ma faute, & que ceux sont aggrandis & esleuez de mes moiens, qui aujourd'huy me déchirêt les entrailles, & rôgent leur mère iusque aux os, que ie n'en puis reiecter la coulpe que sur moy mesmes. Mais pour cela fault-il, que ie sois l'opprobre & la risée d'entre vous, & que se iouant la tragedie d'un Roy indignement persecuté sur mon theatre, vous en soyez seulement les spectateurs? Helas ie sçay bien que c'est moy qui en patiray des premieres, & que le principal but des ennemis tend à la cōfution de mes estats, & à l'vsurpation de ce scepre Royal. Mais croyez aussi (& ne mesprisez point l'aduertissement d'une Cassandre moribunde) que si bien tost le cours de ceste rage n'est arresté par des forces communes, il pene-

A LA NOBLESSE.

trera iusques à vous, & vne seule estincelle du feu, qui est allumé en mes maisons, embrasera toutes les vostres. Pardonnez moy ie vous supplie, si ie vous tien le langage d'une femme passionnée, pardonnez dis-ie à ma douleur, & à l'apprehension que j'ay d'une combustion generale & inévitable, si de bonne heure vous ne vous resoluez par vne fraternelle conionction d'armes, de conseils & volonte, de l'empescher & diuertir. Or ie suis asseuree qu'encores que mes pleurs & clameurs ne trouvaissent lieu de pitié en vous, que la necessité vous cōtraindra de secourir celle qui ne peut tomber, que par la pesanteur de sa cheutte, elle n'estonne les plus espesses & fortes murailles de voz estars.

Et apres que vous aurez entenduz mes plaintes, il me semble que ie ne me puis mieux adresser, qu'à ce grād Dieu autheur & fondateur de mon Empire, pour me douloir & lamenter de l'ingratitude & cruauté de ses ennemis. Il voit & congnoit iusques au fond la malice de leurs desseings, & oyt les cris des seruiteurs siens, qui sont par cy par là martyrisez pour le souteñement de sa gloire, & pour la sainte foy & doctrine de son Eglise. Je me plain donc, Seigneur, que ces louteteaux & renardeaux s'estans peu à peu glissez en la bergerie, ont desgloutis les simples ouailles, & encores ay-ie plus de regret, qu'ils se masquer de la peau d'une brebis. Helas. Seigneur ie t'en parleray en simple femme : est-il possible que ceux qui

ADVERTISSEMENT

conspurquent & brulent les Temples, & qui
 taschent d'abolir toutes les marques de ta reli-
 gion, soient tes Apostres? que le tonnerre & la
 foudre de leurs pistolles, soit vn son & vne
 scintille du Sainct Esprit? que ta loy soit la
 loy des brigands & forbannis? que tes com-
 mandemens ne soient que sacrileges, profa-
 nations, meurdres, rebellion, barbarie, degasts,
 & toute licéce & impunité d'offenser son Roy
 & son prochain? Non nō Seigneur, ie ne pour-
 ray iamais penser que tu sois autre que le Dieu
 de iustice, Dieu qui veut estre seruy de pureté
 & candidesse de cœur, non selon, non cruel,
 non sanguinaire, non incendiaire: Dieu qui re-
 commande de rendre toute fidelité & obeissan-
 ce aux Princes qu'il a creez & ordonnez pour
 le gouuernement du peuple. Trop bien, hélas!
 fault il que i'aduouë que ce sont les fleaux de
 mes pechez, & que s'il te plaist me chastier avec
 la seuerité de tes loix, ce n'est encores rien de ce
 que i'endure, en comparaison de la grauité de
 mes offenses. Mais quoy Seigneur, i'appelle de
 ta iustice au tribunal de ta misericorde, te sup-
 pliant à jointes mains, & prosternee deuant
 ta face, qu'il te plaise appaiser ton ire, & regar-
 der de ton œil gracieux vne Royne vesue, ac-
 compagnee d'vn Roy ieune & debonnaire, &
 de ses freres orphelins tous affligez & oppri-
 mez iniustement par leurs subiects. Qu'il te sou-
 uienne qu'ils sont enfans d'vn Roy qui a main-
 tenu la Religion iusques au dernier souspir, &

A LA NOBLESSE.

d'une mere, laquelle nonobstant toutes les agitations & orages du temps, n'a point flechy ny varié, mais d'une fermeté & constance plus que virile, & d'une prouidence plus que mortelle, a sçeu si bien nourrir & conduire mes petits Princes, qu'il n'y a celuy des trois, qui ne soit prest avec l'effusion de son sang, de venger & auoir la raison de ta querelle. Et iacoit que ie me promette, que tu leur en donneras bien tost la victoire entre les mains, si est-ce qu'il me desplaist qu'ils soient neceßitez de me guerir par le retranchement des membres pourris.

O malheureux & ingrats, si ma voix & mes costez n'estoient affoiblis par la longueur de la maladie, que m'avez aduancee, & par tant de blessures dont vous m'avez deschiquetee depuis la teste iusques à la plante des pieds, ie ferois retétir mes regrets & mes gemissemens en Allemagne, en Italie, en Espaigne, & en toutes les contrees où la barbarie & rebellion des mauuais subiects est cõdamnee. Ie me plaindrois, & quant & quant ie verifirois la preuue & tesmoignage de mes plainctes, que ceux des miens que i'ay le plus tendrement nourris, & les plus grassement & fauorablement traittez sont les coniurez & cõspirateurs de ma ruine.

Or ie ne m'arrestteray point à prescher & remonstrer le chef de l'entreprise, lequel a desia passé le Rubicon, & s'est determiné d'assassiner mes petits Princes & leur bonne mere, pour en secondes nopces espouser la iouissance de leur

ADVERTISSEMENT

couronne. Mais vous de la Noblesse, qui auez
 esté seduits & abusez de ses parolles, & preci-
 pitez en vne association si detestable souz cou-
 leur d'une religion masquee, seriez vous bien si
 meschans & scelerez, que de prester consente-
 ment & cōfort à l'exterminatiō de vostre Roy,
 & à la mort de vostre France? Ne songez vous
 point quelquefois, quand l'ardeur de voz cole-
 res est refroidie, qu'il n'y a crime si reprochable
 aux hommes de vostre reng, que la felonnie &
 vn temeraire attentat contre le Prince? que tous
 ceux qui sy sont laschez n'en ont à la fin rap-
 porté qu'un honteux & vilain supplice, suiuy
 de la damnation de leur memoire, & des armes
 de leurs maisons? Mais soit (ce que toutesfois ne
 peult estre) que vous atteigniez le but de voz
 desseings, pensez que ce vous seroit vn grand
 honneur, de mener vn Roy despouillé en tri-
 omphe, & idolatrer vn tyran inuesty de son
 Royaume? Ha que vous auriez beaucoup gai-
 gné, quand pour seruir à voz pasiōs vous feriez
 enfler & regorger toutes mes riuieres & mes
 ruisseaux du sang de mon peuple. Et bien vous
 estes cōtens (dictes vous) de deuenir bouuiers
 & charcutiers, pourueu que soyez vengez de
 moy. Et au cōtraire ie dy que si vous negligez
 mes remonstrances, que Dieu me vangera de
 l'iniure & outrage que vous me faictes, & que
 pareillement les Catholiques de ma Noblesse,
 qui sont dix & vingt contre vn des vostres, se
croiseront & viuront soubz la protection &

A LA NOBLESSE.

autorité de leur Roy, pour avec la force des armes vous faire ressentir & receuoir la peine de voz follies.

Sus donc mes nourrissons, qui auez l'espee ceincte pour la manutention de la gloire de vostre Dieu, pour mon repos & pour le seruice de vostre Prince, sus mes feaux, & bien aymez, sur la loyauté desquels i'ay fondé le principal appuy de cest estat, qui en tant & tant d'occurrences auez fait preuue de ce cœur genereux, qui vous est transmis de race en race par voz ancestres: sus donc partez de voz maisons, puis que le Roy part de son seiour, & accourez à ceste belle armee, qui est dresse'e pour maintenir vostre religion, & pour defendre avec mes enfans & moy, qui suis vostre mere commune, voz foiers, & maisons & familles, & les grandes franchises & libertez qui vous sont acquises par la vertu des deuanciers, & dont la conseruation vous est conioincte avec celle du Roy mon fils vostre bon maistre & seigneur.

F I N.

LE Roy a permis à Claude Fremy marchand Libraire
En l'Vniuersité de Paris, d'Imprimer & mettre en
vente un discours intitulé, Aduertissement à la No-
blesse, tant du party du Roy, que des Rebelles
& Coniurez. Deffendant sa Maiesté à tous autres
Imprimeurs imprimer ny distribuer ledit discours, sans
la permission dudit Fremy, iusques au temps & terme
de trois ans, comme appert par sa permission, donnée au-
dit Fremy dès le mois de Novembre.

Signé ROBERTET.



